

Romanorum Imperatores.

Rudolphus i. Rom. Imp. Rex Ger.
Landgra. Alsat. Com. Habspur.

Hierographia prima Caesari simp.



Adolphus Rom. Imp. Germ. Rex
Comes Nassaviens. etc.

H II.



Albertus i. Rom. Imp. Ger. Rex
Austriae Dux prim. Comes Habs.

H III.



Henricus vii. Rom. Imp. Germa.
Rex. Luceburgensis Comes

H IIII.



Ludovicus Rom. Imp. Rex Germ. Vtriusq.
Bavarie. Dux.

H V. Gemma.



I. HIEROGRAPHIA SIMPLEX VTI SEQUEN- TES CÆSARUM.



UEMADMODUM Pœnis, Romani populi legatus, eodem sinu pacem & bellum offert; ita Imp. Romanorum Rodolphus I. Cæsar, eadem manu hostibus & dubie fidei sociis, ut animadvertis ex sparo & ramo olivæ, 16.

II. Hierographia simplex.

Adolfus ab Augusto sumsit; Augustus ab Euripide, verba duo natura inter se opposita, & arte decenter coalita. Hæc loquuntur, tantum vocem non edunt, anchora, quam moliri operosum est; & Delphin, quo nihil expeditius. Præcipitare negotium, est id perdere, Si aliis in rebus mutare consilium & rationes licet, In bello, pœnitentiæ non est locus, ut hoc non ad voluptatem pictum, sed ad necessitatem præceptum intelligas.

III. Hierographia simplex.

Hæc cunctationi opposita est: telum enim volatile Albertus I. manu tollit, tantum non vibrat: & increpans in negotio prægnanti, tarditatem, Tolle moras inquit, ex Lucano fortè: Rectè, imò Regiè. Nam Alexander Magnus, interrogatus, quid tantas res ea ætate gessisset? Nihil differens, ait: Cæsar nil minor, celeritate sapius, quam vi vicit. Eiusmodi Principes, cum habemus, non est quod alios de Rep. gerenda consulamus, Erudiunt enim ipsi nos. Tantum abest, ut alienis, vel rudimentis, vel præceptis indigeant. Hic certè Imperator, duobus verbis summam belli gerundi complexus est, Tanti est cum in omnibus rebus, tum bellicis præcipuè non feriari,

IV. Hierographia simplex.

Fide parentum, puta: consilio autem imperantis, Resp. firmatur. Atq; hæc quidem, caduceo coronato vult Hierographus. Nam Mercurius virga inter angues fortè dimicantes inserta, pugnam diremit: qui parte media, sui voluminis, nodo, quem Herculeum dicunt, inter se vinciuntur: & ab hoc reflexi, dum in oscula cœunt, circulum describunt. Sic scilicet iudicio Magistratus, controversiæ inter cives dirimuntur; & eiusdem consilio bella cum hostibus finiuntur. Manus verò inter se devinctæ, non tantum volunt fortasse fidem civium; sed mutuam benevolentiam civium & Magistratus: jurat in leges, & injuratus legibus Divinis tenetur: naturalibus obstringitur,

V. Hierographia duplex.

1. Aquila est orbi hiulco insidens ita; ut unguibus hiatum cohibeat, Cum Hieroglypto concordat Symbolum ex eo natum: quod sibi de competitore victoriam promitteret,

2. Et hæc Aquila Solem contra tuens, audaciam eiusdem, contra rivalem, cujus familia Sole clarior, declarat. Symbolum simile, quo jam se non tantum adversario opponit; sed & cum Deo parum modestè ponit. Est quidem Aquila Jovi sacra, ut ad fabulas rem revolvamus: & à Mario, ut in historia, sola legionibus, est, Plinio teste, consecrata. Sed absit mihi omnis cum Deo comparatio, Iniqua enim est, ne dicam, stolidi & vesana.

Romanorum Imperatores

*Fridericus Pŕtcher Rom. Imp. Germ. Rex
Aus. Stirie Carint. etc Dux Com. Habs.*

H. VI Gen



*Carolus. iiii. Rom. Imp. Ger. Boh.
Rex Dux utriusq. Sler. Lucemb.*

*Wenceslaus Rom. Imp. Ger. Boh.
Rex Dux utriusq. Slesie Lucemb.*

H. VII. simy



H. VIII



*Sigismondus Rom. Imp. Rex Germa.
Hung. Boh. Dal. Crov. Scla. Bosnie*

*Barbara Hermani Com. Cilię filia
Sigismondi Imp. uxor*

H. IX



H. X



VI. Hierographia gemina.

HIC femore tenus, Statua in basi stat: istic integra, Pugilis forte. Utriusque idem Symbolum: haud dubie, quod ut fundamentum, est ædificii firmamentum; ita consilium Regis, sit fundamentum regni, ut, vulgò homines, alia in Principe observent: quemadmodum domus parerga potius, quàm domum. Demosthenes profecto, cum alii alia laudarent in Philippo Rege Macedonia, vituperare illas laudes & regias querere. Quæ illæ? inquires; se regere, uti opinor, & Remp. gerere. 17.

VII. Hierographia simplex.

Lynx est acuto visu, maculoso tergore. Audaciæ simulacrum Sigismundus vult. Timidam tamen Horatius appellat. Olaus Magnus ab ignavia tectur: cui de animali patriæ, scribenti debemus assentiri, præsertim si etiam cum cervis bellum gerit, ut credit Gesnerus, Cervi enim in Sueciana non sunt. Certè, quæ prævidemus, minus timemus, ut illa perspicacia, feram omnia contemnentem faciat.

II. Hierographia simplex.

Venceslaus, si cætera, infra Majestatem Imperatoriam; hoc supra multos Regum & Cæsarum: quod, cui reluctari non poterat, cesserit fortunæ, nec in fratrem quidquam gravius statuerit, quem fortuna dedit aliquando in potestatem. Hoc vult cum Navi & cælo & mari agitata; tum sententia medius fidius gravi.

IX. Hierographia simplex.

Orbem Coronatum decenter vides. An gnomen probes, nescio. Quemadmodum enim non eodem omnes palato sunt, cum hos acria, illos dulcia capiant; sic nec ingenio Ulysses tectus: Ajax nudus. Illi probaris facile: huic minimè. Plures fortasse sunt Ulysses, quàm Ajaces. Et verè simulare, citra injuriam, semper enim hæc absit, ad rem, si cujus Magistratus facit. Nam solers mater, liberos infantes prudenter decipit; quos perderet, omnia nudando. In populo autem quot sunt infantes? Non quæro, ætatène? sed vanitate?

X. Hierographia simplex.

Danaem Juppiter aureo imbri perfudit, & compressit. Hac fabula, & non fabulosa sententia, conjunx Sigismundi Barbara, pudicitiam venalem censet, liberalior tamen pudoris sui.



Romanorum Imperatores.

Albertus in Rom. Imp. Germ. Hung. Bohe. Dalm. Croa. Scla. Bosnie etc Rex. Archi. Austr.

18




Fridericus in Rom. Imp. Rex Ger. Hung. Dal. Croa. Scla. etc Arc. Au.

Leonora Eduardi Regis Portuga: filia Friderici in Imp. uxor.



Maximilianus in Rom. Imp. semp. Aug. Plurimumq. Europe Prouinciar. Rex et Princeps Potentiss. Archid. Aus. Dux Burgu.



XI. Hierographia duplex.

IMò pene eadem. Nam idem signum, idem Symbolum, Hoc differens, quod hìc celitus datur; istic à signifero exceptum, nec ab eo solo gestetur; habebat enim signifer laboris socium. Et sunt eadem uspides hastarũ utrinque in utraq; facie Numismatis. Signum, inquã militare, quod à Persis (nam aqnam Xenophon notat in expeditione Cyri) per Macedonas Imperii successores, ad Romanos transit. Qui autem socio præreptum vult; in hostes videtur missurus, quod dubiis in rebus ad concitandos militum animos, factum legimus frequenter. Atq; hæc sub oculos cadunt. Quod autem celitus datur; a Deo pendere victoriam Imperator ostendit. Ita videor Hieroglypta intelligere. Quod autem victoria fugam nesciat, non scio, quid Albertus II, velit. Nam ipse in apparatu belli Turcici, in agro Strigonienfi mortuus est: & fortuna in bello sæpè mutat vices; ut propior victo sit sæpius, qui tandem vincit. Dicitur Græcis *νίκη* & quidem *ὁδὸν τὴν μὴ εἶκνεν* à non cedendo, sed quàm *ἐπιεργαλία* Homerus, mutantem subinde vices, verius nominat: Virgilius alternam, Boni igitur ominis potiùs, quàm veri nominis causa, dictum quod scriptum legis, puto.

18.

XII. Hierographia simplex.

Leges & arma in promptu habes, illæ regunt, hæc tuentur imperium. A Justiniano habet Imp. Fridericus, ut sine quibus Imperatores, non modò Imperium, sed ne nomen quidem tueri possunt.

XIII. Hierographia simplex.

Consociatio est, quam compaginem vocant. Sed Imperatrix de Analogia loquitur, quæ nobis est proportio. Dividitur autem in Arithmeticam, Geometricam, & Musicam. Quam omnem Timæus Platonis, in mundi fabrica observat. Bodinus in Rep. primus, ut videri vult. Duas certè priores species notant Plato & Aristoteles in Rep. Sed Poëtæ harmoniam Cadmo antè desponderunt, Et illi concentum ex Arithmetica & Geometrica proportione, suaviorem quavis vocum harmonia cognoverunt. Est autem rerum proportio, in natura, ni esset illa; hæc non esset. Nunc concors ista rerum discordia, Naturam ut statuit, ita servat. Est in Rep ut studia pacis, quã Palma significat: & belli, quod signa & arma, totis finibus inter se disiuncta, vel cæco declarant. Hæc enim coronam, quam læva tenet, retinent: & ut domi pacem præstant; ita foris victoriam pariunt.

XIV. Hierographia simplex.

Cor, quidem cuiusvis est, sed Regis dicitur à Sapiente esse in manu Dei. Nos enim legibus subjacemus; ille superior legibus, Deo. Hic cor, quacunquẽ tandem corona cinctũ, Regium est. Velim esse ex Anagyri, cuius folio adhuc virentia sedant tumores, si credimus Galeno, Laudabilis enim est in summa potestate, summa moderatio.

XV. Hierographia simplex.

Sex radiis Mystæ rotam vitæ humanæ fulciunt: propter totidem vices. Quam aspidem acumine gemino per internodia dirimunt; hujus vitam laboriosam volunt. Volvitur autè hæc rota sub mundo, qui mundi Principem notat, cuius vox quoq; exauditur: per tot discrimina rerum. Quot verò? Quot acini sunt Punici mali. Sed &, ut hoc duri corticis est & insuaui s; ita acini grati: nuclei medici. Ad rem accommodatè. Nam dulcissima est, rectè factorum recordatio.

D 4

Roma

Romanorum Imperatores.

Maria Ducis Caroli Burgundie
filia uxor Maximiliani I Imp.

Blanca Maria Galeaty D. Medio:
lani filia Maximiliani I Imp. uxor.

H. XVI Gemina



Carolus V. Rom. Imp. ac Rex Germanie Hispanie utriusq. Siciliae.
Hierusalem Hungarie Dalmatie Croatiae Sclavo. Sardi. et Indiaru ac
terra firme maris Oceae etc.

H. G. XVII



Carolus V. Rom. Imp. Germania Hispaniaru Indiaru.
Rex etc.

H. G. XVIII



XVI, Hiero

XVI. Hierographia duplex.

Primò, Imp. Maximilianus primus, priorem uxorem duxit, Mariam Caroli audacis, ultimi Burgundiæ Ducis filiam, ex qua sustulit generosam sobolem utriusq; sexus. Hoc significare vult aquila. Ac quod hæc pullos suos, qui Solem contra tueri nequeunt, nido, ut degeneres expellat; prolem suam omnem generosam, ut erat, asserit. Hinc illud Symbolum. Sed & in eo vincit Aquilam: quod hæc tantum tria ova pariat: & ædio alendi, exclusum, ex pullis, unum exturbet. Quippe eo ipsis tempore cibum negavit natura, ut scribit Plinius de quadam Aquilarum specie: ne internatione, reliqua animalia, delerent. 19.

2. Posteriorem duxit Blancam, Ducis Insubriæ filiam, majori spe, quam re. Licet Junonem Poëta appellet, quod nescio cui Jovi, apud Paganos, non licuit impunè. Hic Junonia est avis; ut istic Iovis in Palma, non illa frugifera, si tamen altera non est laurus. Species referre arboris non est operæ pretium; & sine opera nostra, pretium est apud Plinium, ac nescio, an apud Theophrastum quoq;. Hoc scio Aquilam in rupibus nidificare, & arboribus. In palma lauróve collocare licuit Imperatori: debuit sculptor in fæcunda. Multò minus Buxo, quod semper vernet, Belgæ palmam nuncupant.

XVII. Hierographia duplex.

Columnæ utrinq; sunt binæ. Inter posteriores Aquila alis utramq; contingens. Coronatæ utrobicq;. Herculis appellant, sive montes Calpen & Abylon: sive æreas verè columnas, quod ulteriora, omnia esse mare, creditum sit vulgo. Nam Platonis in Timæo, alia longè sententia est: & altera esse, si non continentem, insulas, Sertorius apud Plutarchum ostendit. Columbas avo materno Caroli V, Imp. orbem novum aperuit, Carolus plura detexit, atque occupavit. Unde Symbolum, ex Pindaro sumtum: Plus ultra, utriusq; Hieroglypti idem. Nam & in Hieroglyptis hoc tantum discriminis est: quod uno utitur, ut Rex: altero ut Imperator.

XVIII. Hierographia gemina

1. Zodiacus est, & in Circulo suo Sol, sed nondum in auge: sic enim Alfonso Apogæum vocat, Græcè tamen: fulgorem quippe significat usu populari: in arte verò maximum recessum Solis à terra, qui est circa quartum ferè gradum Cancri. Quid vult Imperator tam erudito Symbolo & Hieroglypto? Plura sperare ex quo nondum omnia detexerat: & magna licet, animi sui magnitudine duceret inferiora.

2. Spes prisca honoris, & restituendi Imperii suscitata est, ex capta Urbe, quam Tyberis secat. Hic enim ille est, qui inter populeas frondes, tam largo utre, rivum profundit, oblata fortassis ab aliquo assentatorum majori animo contempsit Imperium urbis: quam sui urbem ceperunt.

Romanorum Imperatores

20

Carolus v. Rom. Imp. ac Rex Germaniae Hispaniae et India:
rum. etc.



Carolus v. Rom. Imp. Rex Ger.
Hispa: Indiar, etc.

Isabella Emanuelis Regis Portuga:
filia. Caroli v. Imp. uxor.



Ferdinandus Rom. Imp. Rex Germaniae Hung Bohem:
Dalmat: Crouat: Sclauo: Infans Hisp:



XIX. Hiero

XIX. Hierographia gemina.

Primò Carolinorum dixi, non Caroli Numisma prius. Et hoc ærarium 20.
Bruxellensium est, ut ex inscriptione constat. Calculus ex Pyxide
ratiocinariorum, Est autem in hac facie, aquila, pede altero Basiliscum cal-
cans: altero anguem tenens. Aquila Imperatorem signat: Basiliscus & anguis,
Imperatotis hostes, bello jam subactos: ut quos in manu, in potestate ha-
beat.

2. Laurea cum ipsis baccis corona, victoriæ utilis index est: vineta per-
petuitatem & pacem secutam indicat. Pacato igitur hostico, jure oblata est
Carolo.

XX. Hierographia simplex.

Imp. Carolus, elocans filiam Mariam, Maximiliano Imperatori, locavit
sub manu Dei. Hinc ille manus: & duo MM (initiales litteræ Sponsi &
Sponsæ) fidi amoris ergò, inter se conjunctæ.

XXI. Hierographia simplex.

Charites sunt, quarum averfa rosas utraq; manu tenet, pro flore ætatis:
dextra Myrtum propter venustatem: læva glandem, sæcunditatis ergò, aut
moderationis in tanta fortuna. Urna perpetuò fluens, stirpem generis pro-
mittit: Corona regnum. Genii sociare se Deabus gestiunt, quod augustiora
sunt, quam humana, quæ Principibus bona obtingunt. Quod non tan-
tum amore sed judicio, in sua conjugè Imperator amplexus, ante Charites
ponit. Nec divinatio sagacissimum Principem fefellit. Nepos enim rerum
potitur: & filius hereditariò matris regno crevit.

XXII. Hierographia gemina.

1. Biceps Aquila imaginem Crucifixi gestans Ferdinandum Imperato-
rem proponit, omnia sua cum Imperio, committentem Deo.

2. Danubius ex Germania per mediam Hungariam means, variis ostiis
se in Pontum Euxinum exonerat. Eo signatus est Numus, quo tempore res
Imperatoris erant in Hungaria secundæ, recepta ex pacto Transylvania.



Romanorum Imperatores

21

*Ferdinandus Rom Imp ac Rex Germ Hung Bo
Dalma: Crova: Slavo: Infans Hispania Arch Aus*



H. XXIII Gem.



*Anna Regina Hungariae et Bohem:
Ferd: Imp: uxor: Wladis: Reg: filia*

H. XXIII Imp.

*Maximilianus II Rom Imp Rex
Germaniae Hunga: Bohem: Dalma: et*

H. XXV.



*Maximilianus II Rom Imp Rex Germ Hung Bohe Dal:
Croat: Sclavo: et Electus Polonia Archidux Austriae*

H. XXVI Gem.



XXIII, Hiero-

XXIII. Hierographia gemina.

Vtraq; habet Sphæram, cum insignibus gentiliis. Prior super positam: posterior infra Aquilam, ut hîc sit basis, istic fastigium. Vtraq; ductas à centro lineas ad circumferentiam. Aut me omnia fallunt: aut bonus Imperator undiq; spirat Deum: & sperat cœlum, Atq; ei hoc fuisse propositum, Symbolum clamat: Christo duce,

XXIV. Hierographia simplex.

Connexæ dextera, altera est Imper. Ferdinandi: altera Annæ, Reginz Hungariæ, Filiz Vladislai, Omen connubii, quod perpetuum, & stabile, expetit Symbolum, Rosa, cum venustate, suavitatem. præterdit,

XXV. Hierographia simplex.

M. cum Cæsareo diademate, est Imp. Maximilianus II. mundus verò, quidquid in mundo est. Sceptrum autem jus: Entis arma, quibus jus vindicandum est. Quod quia difficile, Domino orbis, rem permittit,

XXVI. Hierographia gemina.

1. Prioris Symbolum est Græcum: In tempore utrumq; id est, nunc placabilitate, nunc severitate opus est, ad retinendam Imperii Majestatem, quemadmodum Aquila biceps, si loqui posset, simul loqueretur. Sed vocalis est palma, Præmii simulacrum: & fulmen, irati Jovis argumentum.

2. Posterioris latinum, comminuam, vel extingvam, puta semiplenam Turcarum Lunulam. Hoc enim Aquila, id est, Imperator à Christo optat; cuius Cruce insignivit fastigium Coronæ.



Romanorum Imperatores

22

Maximilianus II. Rom. Imp. Rex Germ. Hung. Bohem. Dal.
Crouatiz Sclauonie, electus Polonie etc.



H. XXVII. G.



Maximilianus II. Rom. Imp. Rex Germ. Hung. Bohem.
Dalm. Crou. Sclau. electus Polonie.



H. XXVIII. G.



Maximilianus II. Rom. Imp. Rex Germ. Hung. Boh.
Dalm. Crou. Sclau. electus Polon.



H. XXIX. G.



XXVII, Hiero-

XXVII. Hierographia duplex.

Primò. Sic aliena, qui invadit, quod huic, sub Equite, strato eveniat. Non
vana imprecatio Imp. Maximiliani Regis Poloniæ designati. Nam Ste-
phanus non fuit longævus, & agnati, suos quisq; patitur Manes,

22.

2. Victrix corona per Mundum & Diadema transiens Domino & Ar-
chitecto Mundi, Regnum & Imperium refert acceptum: aut verò dignus
ea corona Maximilianus, cuius Littera capitalis, medium obtinet. Nam ex
Mundo, imperii insigni, arcus exit: cuius cornua ad peripheriam Numif-
matis, quæ hic extrema cæli superficies est, tendunt; quod non aliud sit po-
testatis regiarum tutor, quàm dator, Deus,

XXVIII. Hierographia duplex.

1. Simplex utriusq; & idem Symbolum, nec non pium. Nam de sua dif-
fidit prudentiæ: & providentiæ fidit divini. Igitur Aquila, nunc insidens
Mundo cancellato, (quod iudicium est difficultatis regnandi) mordicus An-
guem tenens, nihil aliud vult, quam Imperatorem, omnia & præterita, &
præsentia & futura, Deo permittere. Hæc scilicet anguis licet hic non in spi-
ram actus, notat,

2. Aquila insidens globo terrestri, ætate, ut apparet gravis, exhibet Im-
peratorem, mole rerum gravem, nec levem ætate, in Deo, conditore huius
Machinæ, totum acquiescere. Tenia autem circumfusa sine notis, notat Im-
peratoris, & non cuius nota consilia,

XXIX. Hierographia gemina.

1. Cænotaphium est hæc Pyramis: nihil enim simile est Pragæ in mo-
numento. Ad imitationem veterum Ægypti Regum: quos etiam æmulata
est Roma, in tumulando Cæsare. Luna infastigio deficiens, mortem desi-
gnat, id est, animæ migrationem è corpore. Nam in scapo, Æternitas ani-
mæ impressa, dicam, an expressa est, pic à Christianis. Et Cyrus hanc viam
ingressurus, graviter apud Xenophontem, de immortalitate animæ differit,

2. Romani Principes suos referebant in numerum Deorum, Pyra cre-
mabatur corpus, in culmine Aquila erat retinaculis dextrè vinctæ. His adu-
stis Aquila, altum citra tenebat ut pluribus, Herodianus. Et hæc credabatur,
animam Principis, in cælum vehere. Explosa superstitio est. Hic tamen A-
quila, pro Imperatore, verba facit, ut quis ex Symbolo intelligit. Nam in-
signia Imperii, & signa belli, humi posita, aperte clamant, depositam esse re-
rum humanarum curam, quæ nihil ad divinas,



Romanorum Imperatores

27

Maximilianus Rom. Imp. Rex Germ. Hung. Dalm. Crouat. Sclau. et electus Poloniz etc.



H XXX G.



Maria Caroli v. Imp. filia Maximiliani Imperatoris uxor.



H XXXI G.



Rudolphus ii. Roma. Imp. Rex Germ. Hung. Bohem. Dalm. Crou. Sclau. etc. Archid. Aus.



H XXXII G.



XXX. Hierographia gemina.

25.

PRimò: Quæ sinistra est, ad dextram converto. Nam M. id est, Mariæ, (quod prima littera nominis sit) sola spes erat, M. id est, Maximilianus; in marito enim fida conjunx acquiescit.

2. Posterior ergò re, quæ prior est ordine. Sed nec à proximo Numismate aliena est, vides enim inter frondes, frutices, pyra, id est, Pyramides, ablato enim in acutum, quo pacto flamma desinunt. Vides, inquam in corolla, quæ cingit meditationes Imperatricis, & hac notat sobolem felicem: cujus, propter ætatem, tota spes erat, in frondibus, id est, in spe. Interiora sunt angustiora. Tres Coronæ in medio positæ, media Imperatoria; dextra, Castiliæ; læva Aragoniæ designant abjectum omnem fastum, Subjecta corona spinea, quam quinq; vulnerum Christi capitalium stigmata, distinguunt, reliquam vitam in ærumnis, quæ tamen ad melioris vitæ spem erigunt, positam indicant. Atq; illa supernè fulgens spes ex Iride emicat. Corona clarum bravium, & certaminis præmium est. Quod etiam Poëtæ voluerunt; Hesiodus & Horatius, Ariadnæ Bacchus dedit: & ea mortua, ut virtutis memoria non moritur, retulit in cælum. Sidus est, supra humerum Arctophylacis. Oritur, cum Scorpione, Nonis Octob: occidit, ex oriente Cancro & Luna. Habet stellas novè ordine, & in orbe. Si pictor subtraxit, ignoscendum est: si Mystra, cognoscendum est, octo species beatitatis designari. Sed & sunt qui octo tantum stellas numerent.

XXXI. Ad superius Numisma te mecum
converte duplex est.

Semper secutus sum ordinem. Hic non excedo, sed in ordinem cedo, finem vitæ, & infinitam vitam Imp. Maximiliani II. Cæsaris.

1. Duo Hirca nitentes in contraria significant, ille immortalitatem animæ: hic mortalitatem corporis: Mystica interpretatione recepta antè.

2. Symbolum prius non exposui: positum enim est in luce. In hoc nihil obscuri. Et si quid esset obscurum; id manifestum fit, ex Anno & Consule, id est, inscriptione interioris circuli: scribitur enim quo anno ex hac vita misera & momentanea, in illam felicem beatamq; migravit Imperator. Cæterum laurus cum baccis, immortalitatem patri, & immortalem gloriam liberis in hac etiam vita promittit. Certè & fascia, qua devincitur, regiam, si non potestatem singulis: dignitatem omnibus.

XXXII. Hierographia duplex.

1. Calcûli in abaco sex (septimus enim patri divinitus obtigerat, ne miremur subsultare) concordiam suffragiorum exprimunt: tot enim reliqui sunt, secundum Regem Bohemiæ, Principes in Imperio viri,

2. Semper parco labori meo, & tuo lector, scilicet; Hoc est, quod Symbolum prius, præterit silentio. Et hoc quid habet difficultatis? Aquila jam tum meditabatur bellum in Turcas. Hinc illud telum, quod unguibus librat.

Romanorum Imperatores

24

Rudolphus II Imp: Rex Germ: Hung: Boh: Dal: Cro: Sla: etc Archidux Austria.

H XXXIII Gem.




Rudolphus II Rom: Imp: Rex Germ: Hung: Boh: Dal: Cro: Scla: etc Arch: Austria.

H XXXIV G.



Rudolphus II Rom: Imp: Rex Germ: Hung: Boh: Dalm: Cro: Scla: etc Arch: Aus.

H XXXV G.



XXXVIII, Hie-

XXXIII. Hierographia gemina.

24

Primò, Rursus Aquila volatile telum tenet, vibranti similis, sedens in fascia, cuius Symbolum est: Adsit, Supple, inquit de Schola aliquis: Dominus, Mysta singulas etiam litteras ponderat, ut in nomine Adam Peda secutus Græcos. A. Adjuvante, D. Domino. S. Superabo, I. Imperatorem, T. Turcarum. Ego piis votis applaudam: Quod faxit Deus præpotens, & immortalis, Versibus id variis expositum Seco Bervitio jam Pellenæ imposui, ad Sac. Cæs. Maj. Hoc sum brevior.

2. Aquila hîc medium cœli tenet: quia dissipat Barbaros: ac tendit ad majora, quod cæsis fugatisq; hostibus spectet diadema illud ἀσπέρην repositum in cœlo.

XXXIV. Hierographia gemina.

1. Mundus, Imperii orbis terrarum insigne est: sceptrum tuendi: ensis defendendi: utrinq; laurus, gloriæ paris bello & pace, inter mundum & coronam R. Rodolphi Princeps littera, Hæc poterant esse occulta. Quid apertius pia sententia? A Domino pendere Regna & Imperia.

2. Aquila tota in Deum versa, quem hîc Sol ostendit; significat Imperatorem, pro salute publica, Deo vota nuncupare.

XXXV. Hierographia duplex.

1. Duæ Coronæ, hæc major, & quæ minorem cum nomine Rodolphi II. Cæsaris Augusti ambit: illa minor, diversæ sunt. Laurea quippe interior: palmea exterior. Hæc major, quod multitudinis, optantis pacem: illa minor, quod Cæsaris cum sagacioribus, qui semper numero pauci sunt, sperantis victoriam.

2. Sic itur ad astra, Qua, quæris, via? Virtute & constantia, Deiq; inprimis, ne tollamur inani virium aut rerum fiducia, incomparabili auxilio.



Romanorum Imperatores

25

Rudolphus II Rom. Imp: Germ: Hung: Bohemie Dalmatie
Croatie Sclavonie etc: Rex. Archidux Austriae.




H XXXVI G



Rudolphus II Rom. Imp: Germ: Hung: Bohem: Dal:
Crou: Sclau: etc: Rex Arch: Aust:



H XXXVII G



Rudolphus II Rom. Imp: Germ: Hung: Bohem:
Dal: Cro: Scla: etc: Rex Arch: Aus:



H XXXVIII G



XXXVI, Hiero.

XXXVI. Hierographia gemina.

Primò. En Cæsaris sydus oppositum, semilunæ Turcarum, Ita Deo placuit, horum immanitatem, illius humanitati opponere, 25.

2. En contra monstrum, Parma constantiæ, & gladius vindiçtæ, Monstrum Chimæra est, quam Bellerophon bello vicit, tricorpor, ut Homerus describit. Charistius interpretatur tres unius virtute populos superatos esse. Et Cæsarem divinitus concitari, aduersus Turcam monstrolum hostem: quod enim hoc Imperii genus à parricidio auspicari? nullis terminare legibus? sola niti libidine? indicat Symbolum, ex Poëta sumtum: Tu ne cede malis, sed contra audentior ito. Jam triceps est, quod in Europa, Asia & Africa tyrannidem extendat.

XXXVII. Hierographia gemina.

1. Aquila biceps, in rupe sedens, Imperatorem in fastigio exhibet; & dum altero capite Solem suspicit, altero serpentes circa rupem reptantes despicit; bona spe implet, divini auxilii, contra humanam cum vim, tum dolum. Atque hæc duo sunt, quæ contra duo capita erigat Imperator, necesse est, Quæ illa capita? Potentia & Prudentia, mente in Deo non solo, at solo fixa.

2. Deo Opt. Max. Imperator proteia, piè defert. Deuteria copiis, modestè. Nihil enim sibi seruat: cui secundum Deum laurus, quæ peripheria huius Numismatis est, meritò debetur.

XXXVIII. Hierographia gemina.

Thema suum Cæsar Rodolphus utraq; facie exprimit, cum diversis, sed notis Symbolis, Et antè, ut apud Tranquillum est, eodem signo signavit nummum Augustus Cæsar, Felix huic fultit: illi felicius fulgeat, Deum, qui astra ut condidit, moderatur, rogo.



Roma-

Romanorum Imperatores.

Rudolphus II. Rom. Imp: Germaniæ Hungariæ Bohem: Dalmatiæ Croatiae Sclauoniae Rex. et.

H. XXXIX. G.



Turcorum Imperatores.

Saladinus Sultanus Ottomanus Turcoꝝ Imp: Babiloniæ Damasci Aegypt: Rex.

Baiacet Sultanus Ottomanus Turcoꝝ Imp: Babiloniæ Damasci Aegypt: Rex.



Selimus Sultanus Ottomanus Asiae Babiloniæ Aegyptiæ Rex: Turcoꝝ Imp:

Solimannus Sultanus Ottomanus Asiae Babiloniæ Aegypt: Rex: Turcoꝝ Imp:



XXXIX, Hie-

PRImò, Quid magis, inquit Iustitia, ad Deum provocans, aut diutiùs præstolaris? nec subvenis mihi, cui tamen Imperium rerum humanarum tradidisti? cum terra & mari oppugner? Fuit enim tempus, quo terra mariq; rem gereret Turca, hoc etiam bello.

2. Jam, Adsit, interpretati sumus antea. Hic boni ominis causa, bene repetitur; Divinum enim adsit auxilium, ubi humanum deficit nos, necesse est.



I. HIEROGRAPHIA MAHOMETANORVM SIMPLEX.



Aladini, qui regnum nostrum Hierosolymis delevit, exuvias, vel suparum, vel sagulum vides, Moriens enim circumferri iussit, ne quis rerum successu intolerceret, dignus qui pro nobis staret: aut qui in Repub. nostra renascetur,

26.

II. Hierographia simplex.

Hoc teste victoriæ Barbarus, perfidiæ nos arguit, Erant enim ea tempestate, qui fidem Barbaris datam violari posse, malitiosa juris interpretatione, censerent,

III. Hierographia simplex.

In cremento Lunæ, incrementum Imperii signat, Sed & decrescit Luna; deleaturq; tyrannis illa opto, Supplicii muliebribus non debellatur bellum. Quid igitur Cæsari opem non fertis, ô viri? ô Christiani? Sed & Deus in vota vocandus est: sine cuius ope, nostra habent arma,

IV. Hierographia simplex.

Quatuor candelabria, jam ante me interpretantur alii, totidem orbis plagas: & inscribunt Turcica lingua, Alla vere, id est, Deus dabit, ut religio Mahometana, reliquis orbis partes comprehendat. Quod non sinat Christus lux mundi, Certè æstuabat tùm temporis ut hic lucerna una, Nunc incendium, proh dolor, latius serpit. Nulla virtute Barbarorum, sed nostra partim ignavia, partim discordia, proh nefas ô Christiani vos appello. Et quod cæterorum opem nequidquam plorem, vestram imploro Germani,

Reges